

Ն. Ծ. Պապուխյան

ՀԱՅԿԱԿԱՆ ԺՈՂՈՎՐԴԱԿԱՆ ՃԱՐՏԱՐԱՊԵՏՈՒԹՅՈՒՆԸ ՍԵՎԱՆԱ ԼՃԻ ԱՎԱԶԱՆՈՒՄ

Հայկական ժողովրդական ճարտարապետությունն իրրև շինարարական արվեստի առավել հին զրահորումներ պարունակող բնագավառ սկսում է ավելի ու ավելի մեծ ուշադրություն գրավել, զգալի է դառնում նրա նշանակությունը ժողովրդական արվեստի պատմության և առհասարակ մշակույթի համար: Հայկական ժողովրդական ճարտարապետության սիստեմատիկ ուսումնասիրումը, հետևաբար, պետք է դիտել որպես հրատապ մի խնդիր:

1959 թվականին Գիտությունների ակադեմիայի Արվեստի ինստիտուտը ձևափոխվելով Հայկական ժողովրդական ճարտարապետության հուշարձանների սիստեմատիկ ուսումնասիրությանը և առաջին հերթին նրանց ֆիքսացիային՝ գիտական փաստաթղթեր հանդիսացող չափազորությունների միջոցով:

Ներկա հոգվածում ընթերցողին ներկայացվում է Սևանա լճի առափնյա վայրերից՝ Կամոյի, Մարտունու ու Բասարգեշարի շրջանների ժողովրդական ճարտարապետությանը վերաբերվող հետազոտական տվյալներ:

Նախնայա այդ շրջանները բաղկացուցիչ մասերն են եղել անցյալում Նոր Բայազետի և հետո՝ Սյունյաց նահանգի Գեղարքունիք և Սոդ կամ Սոթք գավառների: Նրանց մշակույթի հարուստ պատմությունը հասնում է նախապատմական դարերը:

Դժվար է սակայն խոսել մինչև XIX դարն ընկած ժամանակաշրջանի ժողովրդական ճարտարապետության մասին, քանի որ նյութական տվյալները պարբերաբար ոչնչացվել են ասպատակումների և ավերիչ պատերազմների հետևանքով:

XIX դարում գալիս են բազմաթիվ գաղթականներ Բարձր Հայքի տարբեր կողմերից և վերակենդանացնում գրեթե ամայացած այս վայրերը:

Հայ գյուղի կազմավորման ու զարգացման պատկերն իր նյութական հետքերն է թողել հին բնակավայրերի՝ պատմության գիրքն անցնող մնացորդների վրա: Այս տեսակետից ուսումնասիրվող շրջանները որոշակի հետաքրքրություն են ներկայացնում նկատելի է բնական-կլիմայական, քաղաքական-պատմական, սոցիալ-տնտեսական պայմանների ու տեղական ավանդությունների անմիջական ազդեցությունը այդ բնակավայրերի կառուցապատման և առհասարակ ճարտարապետական դիմագծի վրա: Նրանց մենք տեսնում ենք լճափնյա հմայիչ տեսարանների մեջ, արևահայաց լեռնալանջերին, երբեմն ցուրտ քամիներից պաշտպանված ձորերում և այլ վայրերում, որտեղ գյուղամատչելի ճանապարհներ կան: Բնակավայրի ընտրության համար վճռական նշանակություն է ունեցել նաև ջրի առկայությունը:

Գրեթե բոլոր գյուղերը բաղամասնակ, կիսագետնափոր կառուցվածքների խիտ դասավորությամբ ստեղծված հոծ վանդակներ են եղել, մասնատված ըն-
Տեղեկագիր, 1—2

դամենը մի քանի բավիղներով: Յածրադիր կալաշաղախ, քարե ծուռումուռ պատերի, քարակույտերով կազմված ցանկապատերի և փոքր մուտքերի անվերջ մի շարան կարող էր տեսնել անցորդը գյուղի փողոցներում:

Հարակից կոտորներով կազմված անհարթ տարածության տակ պարփակված կառույցների վանդվածը բաղկացած է եղել առանձին բնակելի կոմպլեքսներից, որոնք իրար հետ միացված են եղել ակնատ կոչված հատուկ անցքերի միջոցով:

Նոր Բայազետի մոտ հարթ վայրերում եղել են ավելի նոսր կառուցապատված բնակավայրեր՝ կիսազետնափոր կառուցվածքներով: Միայն ուշ ժամանակներում սկսել են բնակելի կոմպլեքսները զետնի երեսին կառուցել, երբ ընդհանրապես էր նոր տիպի, հարթածածկ սենյակների ու շենքերի կառուցումը:

Սովորաբար բնակելի կոմպլեքսից ոչ հեռու, երբեմն անմիջապես կից, շինվել է արտադրական կառուցվածքն ու արհեստանոցը (ձիթհան, պայտարանոց, դարբնոց և այլն):

Պետական դպրոցը, գյուղական դատարանը, եթե այդպիսիք եղել են, բաղիլիկատիպ, ճարտարապետական տեսակետից ոչ ուշագրավ եկեղեցիները կառուցվել են մեկուսի:

Բնակելի կոմպլեքսի հատակագիծը բարդ չի եղել: Հիմնականում տնտեսական կարիքների համար օգտագործվող փոքրիկ մի բակի վրա է բացվում բնակելի կոմպլեքսի միակ ցածրիկ մուտքը, որից մտնում են կոմպլեքսի առանձին մասերը միավորող մի փակ նախասրահ (տեղական բարրառով սրահ), որը ներքին բաժանմունքների դասավորության շնորհիվ ստացել է երկար միջանցքի տեսք: Նախասրահը պաշտպանում էր կոմպլեքսը վատ եղանակի անմիջական ազդեցությունից, իսկ նրա թումբ կոչվող բարձրադիր մասը, հաճախ խորացված ամրող պատի կամ նրա մի մասի մեջ, ծառայում էր որպես իրերի և զործիքների պահեստ: Լինելով շրջապատից համեմատաբար մաքուր տեղում՝ այն երբեմն ծառայում էր նաև նստելու և այլ կենցաղային նպատակների համար, բայց կան բնակելի կոմպլեքսներ, որոնք այս թումբը չունեն:

Սրահի խորքում բացվում են դոմի ու փարախի (ոչխարի դոմ) դռները, իսկ առաջին մասից բացվում է օթախ կոչվող հարթ ծածկով սենյակի դուռը: Այդ սենյակի լուսամուտներն ունեցող ճակատը պարտադիր կերպով ղեպի բակ պետք է ուղղված լիներ: Տան, մառանների ու մարազների (քիլարների) դռները գտնվում են սրանց միջև: Երբեմն մառանի մուտքը բացվում է ուղղակի տան մեջ:


Կոմպլեքսի համադրվածքային և հարդարման գլխավոր շեշտը դրված է եղել գլխատան վրա, որն ընտանիքի կամ զերդաստանի հիմնական պատսպարանն էր, որը ուղղակի կոչվել է տուն (նկ. 1, 2):

Ինչպես կոմպլեքսի այլ բաժանմունքները, գլխատունը ևս կիսազետնափոր կառուցվածք է և իրենից ներկայացնում է ուղղանկյուն մի սենյակ, որի ամրող ծածկը կամ նրա կենտրոնական մասը, ուղղանկյուն կամ բազմանիստ հիմքով փայտե զերանների խաչամուր ստեղծված աստիճանաձև մի թաղ է՝ դմբեթաձև կամ հատած բրդի նման և բարձրանում է սյուների կամ ուղղակի պատերի վրա: Հարակից կոտորների մեջ արտաքին պատերը շենք երևում. ճամբերդին միայն վերին փոքր մասով են զետնից դուրս ցցվում:

Ծածկի զերանաշարքերի զաղաթային մասի քառակուսի բացվածքի վրա դրված հատուկ շրջանակով կազմվում է երդիկը, որի համապատասխան փոր-

վածքի մեջ է նստում ապակեպատ շրջանակը: Անվտանգության համար այստեղ տնրացված է լինում խաչերկաթ¹ կոչվող ցանցը:

Գլխատան պատերը ներսից սովորարար սվաղված են լինում և սպիտակեցված: Նրանց մեջ են բացվում ծալքատեղ կոչված մեծ որմնախորշը, որ նախատեսված է անկողնու պարագանների համար, մի քանի, երբեմն փեղկերով ծածկված պահարանախորշեր (տեղական բարբառով սլատրհաններ) և դանձախորշեր: Վերջիններս պատի մեջ տեղավորված կավե անոթներ (կճուճներ) են, որոնք դրված են հորիզոնական դիրքով և դեպի դուրս ուղղված բացվածքով: Գանձախորշերը ծառայել են սակավապետ դյուղացու հարստութունը թարցնելու համար (անցքը փակվել է և դրսից սվաղվել):



Նկ. 1. Բնակելի կոմպլեքս (առաստաղ, կտրվածք):

Գլխատան հատակը հողից է, երբեմն ծեփված հարդախառն կավե թանձր շերտով: Նրա կենտրոնական մասում տեղավորված է թոնիրն իր օղատար ակով:

Այստեղի գլխատներում հանդիպում են բարձրագույն խորշեր՝ առաջից սյուներով, որոնք հանդիսացել են առաջատար բաժանմունքներ նորապսակների համար: Այդ մասին են վկայում նաև Մեսրոպ եպ. Սմբատյանցի², Ե. Հալայանի³ և Ս. Լիսիցյանի⁴ տեղեկությունները: Վարագույրով (փարդով) ծածկվող նման խորշի բացակայության դեպքում վարագույրվել է տան մի անկյունը:

¹ Խաչերկաթ է կոչվել նաև թոնրի վրա դրվող խաչաձև երկաթը:

² Մեսրոպ եպ. Սմբատյանց, Տեղագիր Գեղարքունի ծավաղարդ գաւառի, Վաղարշապատ, 1895:

³ Ե. Հալայան, Նոր Բայազետ Գավառ, «Աղգագրական հանդես», 18-րդ գիրք, Թիֆլիս, 1908:

⁴ С. Лисицян, Нор-Баязетский азарашенк и заметки о крестьянских жилищах соседних районов Памбакского и Даралагязского. «Известия» Кавказского института археологических исследований, том VI.

Հայաստանի շատ շրջաններում թոնրատունն առանձնացված է եղել գլխավոր սենյակից կամ բարձրագիր արսիղի նման և կամ առանձին սենյակի տեսքով⁵։ Սևանի առափնյա շրջանների հին բնակարաններում, սակայն, մեղ չհաջողվեց գտնել այդպիսիք, բացի մեկից (Ձուլաբար գյուղում)։ Տան անկյուններից մեկում համապատասխան խորշը թևի ունի հաղարաշեն ծածկ, չի ծառայել որպես հացատուն։ Չկան թոնրի կամ օջախի հետքեր և տնատերի վկայությամբ այնտեղ է եղել առապատը և ընտանիքի աղոթարանը։ Հետևաբար այդ շրջանների համար առանձնացված թոնրատունը բնորոշ չի եղել։



Նկ. 2. Գլխատան ինտերյեր

Գլխատան տաքացումը կատարվում է միայն թոնիրների միջոցով։ Յուրաքանչյուր տանը եղել են մեծ և փոքր թոնիրներ՝ հացի, ճաշի ու ջեռուցման համար։ Հետաքրքիր է տաքանալու այն նախնական եղանակը, որ քուրսի է կոչվում։ Դա լինում է հետևյալ կերպ. թոնրի դեռևս չհանգած և չբացվածով կրակը սլահպանելու համար, թոնրի ակը փակվում են մի շորով (ախնկալ) և այ-

⁵ Նույն տեղում։

նուհետև թոնրի վրա են դնում ցածր սեղանաձև քուրսին, որը ծածկում են մի մեծ վերմակով և մտնում տակը այնպես, որ իրենց ոտքերն իրար չդիպչեն: Ծուխը կտրվելուց հետո երգիկը փակում են:

Բնակարանների կահավորումը արտահայտել է կենցաղի պարզությունը: Պատերի տակ շարված փայտե մի քանի թախտ, ալյուրի շտեմարանը (ամբար), մի փոքրիկ սեղան, մի քանի արկղ, սենյակի մի անկյունում տեղավորված ամանեղենն ու անկողնի պարագաները (եթև դրանք չեն պահված ծալքատեղում) — այս է ամբողջը: Հագուստեղենը պահվել է արկղներում, կախվել սյուներից և կամ փռվել նրանց վրա ամրացված հորիզոնական ձողափայտերի վրա: Տեղ-տեղ հանդիպում են ձողի վրա ամրացված հատուկ կախարաններ, որոնք կարող էին տեղափոխվել: Սյուներից կախել են նաև զարդաքանդակված փայտե թախտաններ, ճրագակալներ և աղամաններ:

Տունն ընդհանրապես զերդաստանի կամ ընտանիքի հավաքավայրն է հանդիսացել, այնուամենայնիվ տղամարդիկ հաճախ են առանձնացել դոմերի սենյակներում (օդաներում), մանավանդ երբ տղամարդ հյուրեր է հեղել (օտարականին տուն չէին տանում, այլ բերում էին դոմի սենյակ, այնտեղ էլ նա պետք է դիչերեր): Հավաքությունների ժամանակ զվեստունը դարձյալ կանանց առանձնարանն էր, մինչդեռ տղամարդիկ հավաքվում էին դոմի սենյակում կամ նույնիսկ նախօրոք մաքրված դոմում: Հարսանիքների ժամանակ ամբողջ տունն ստանում էր տոնական տեսք (տանը և դոմում փռվում էին խսիրներ, թաղիքներ (քեչա) և գորգեր, իսկ տան առաստաղը զարդարվում էր ալրաթաթախ շորի ծաղկաձև զարդերով):

Տաք եղանակներին ցերեկային հավաքավայրեր են եղել կոտորներն ու բակերը, իսկ երեկոյան դարձյալ պատասպարվել են զվեստան և դոմի օդայի ներսում: Իրեն մահճակալ գործածվող թախտերը միայն զերդաստանի պատվավոր անդամներին են հատկացրել, մինչդեռ մյուսները ընտանիք առ ընտանիք դրադեցրել են գետնի մի փոքր տարածություն, որտեղ հաստ թաղիքների վրա անկողնու պարագաներն էին գցվում, իսկ նրանց կից դրվում էր երկխայի օրորոցը:

Առանձնահատուկ հետաքրքրություն է ներկայացնում զվեստան ծածկի կոնստրուկցիան, որը լինում է գերանաշարքերի ուղղանկյուն, հազարաչեն և խառը կառուցվածքով (նկ. նկ. 3, 4, 5):


Առաջինն ստեղծված է զույգ առ զույգ՝ իրար զուգահեռ գերանների փոխադարձ ուղղահայաց դասավորությամբ և իրար վրա ազատ հենվող պերաններով, որոնց միջակայքերը գեպի վեր աստիճանաբար նեղանալով՝ կազմում են բրդաձև մի ծավալ (տեղական բարրաժող կուրա): Սյուների վրա հենվող ստորին երկու մայր գերանները «բոյի գերաններ» են անվանվում և ծայրերով հաճախ հենվում են պատերի վրա, իսկ վերին գերանները խաչուկներ են կոչվում:

Մայր գերանների վրա երբեմն լինում են գերանախյեր կոչվող գերաններ, որոնք դրված են գերանների երրորդ շարքի փոխարեն. ընդունելով աջորդ շարքի բևեռ՝ նրանք այն հենակետերից փոխանցում են սյուներին և, միջանկյալ միջադիրների միջոցով, մայր գերանների միջնամասերին: Այսպիսի կառուցվածքով զվեստանը հանդիպում են առավելապես Կամոյի շրջանում, ուշագրավ նմուշներ կան այս շրջանի Գեղարքունիք, Հացառատ և Կարմիր գյուղերում:


Նրկորող տիպի կառուցվածքն ստեղծվել է գերանաշարքերի՝ անկյան տակ փոխադարձ հատումից առաջացած բազմանիստ դասավորությամբ, գեպի վեր նեղացող ծավալով, ընդ որում առաջացած եռանկյունաձև և սեղանաձև բաց

տարածությունները՝ ղերանների հետևում, ծածկվել են փոքր ղերանների խիտ շարքով: Ստորին շարքերում կոնստրուկցիայի թևերի վրա և ղերանների խնայողության համար հիշյալ սեղանաձև մասերը հաճախ ծածկվել են թեփաղի ճյուղերով կամ ճեղքված փայտով:

Համիսյա շրջաններում, առավելագույն Մարտունու և Բասարղեարի գյուղերում, այս տիպի կառուցվածքն ավելի մեծ խնամքով ու ճաշակով է հանդես գալիս, քան առաջինը, մանավանդ առանձին մասերով զարդարված տարրերակներում:



Նկ. 3. Համարակ, բրդաձև ծածկով
գլխատուն (առաստաղ
և կտրվածք)



Նկ. 4. Հաղարաշեն ծածկով
գլխատուն (առաստաղ
և կտրվածք)


Երրորդ տիպն ստեղծվել է հիշյալ սխեմաների համատեղումով, ընդ որում ստորին մասը կազմվել է հաղարաշենի սկզբունքով, իսկ վերին մի քանիսը՝ ուղղանկյուն դասավորությամբ:

Վերջին երկու տիպը, մանավանդ երկրորդը, ամենից շատ է գործածական եղել. այլապես գլխատունը չէր կարող ունենալ մի ամբողջ ղերդաստան տեղավորելու չափ մեծություն: Այսպիսի մեծ գլխատներն ունենում էին մինչև 8-ից 12 սյուն, որոնց վրա բարձրանում է ծածկի կենտրոնական մասը:

Ծածկերի վերահիշյալ տիպերի տարրերակներ կան, որոնք սերտորեն առնչված են ստորին ղերանների հենման հետևյալ սխեմաների հետ. ա) հենում պատերի վրա ուղղակի կամ առորմների միջոցով (առորմին պատի կամ նրան կից սյուների վրա դրված ղերանն է). բ) հենում պատերին կից սյուների վրա՝

առորմների միջոցով. դ) հենում մասամբ պատերի կամ նրանց կից սյուների և մասամբ առանձին կանգնած սյուների վրա. դ) հենում առանձին կանգնած սյուների վրա:

Այս սիստեմները կիրառվել են շինանյութերի և ծածկվող թռիչքի մեծությամբ համապատասխան, ընդ որում առաջին սիստեմից մինչև վերջինը անկայուն պատը բեռնաթափելու և ներքին տարածությունը մեծացնելու ավելի ու ավելի մեծ հնարավորություն է նկատվում:



Նկ. 5. խոր տիպի ծածկով գլխատուն (առաստաղ և կտրվածք)

Ծածկի կաղնեփայտե դերանների վրա լինում են իրար վրա դասավորված հետևյալ պաշտպանիչ, ջերմամեկուսիչ և անջրանցիկ շերտերը. 2—5 սմ հաստությամբ տախտակներ, ճեղքված դերաններ և կամ ճյուղեր, որոնք փարդու են կոչվում, նրանց վրա ևղևղ, խսիր, չոր խոտ և կամ ծղոտ, այնուհետև բերում (ձիթհանի թափթիով) և դարման (հարդ), ասպա տոփանված հողի շերտ, որը փռվում է ջրով շաղախված վիճակում:

Գլխատների կոնստրուկտիվ մանրամասները ևս հետաքրքիր մշակումներ ունեն (խոյակներ՝ րարձեր, սյան վերագիրներ՝ թևեր, քարե խարիսխներ՝ սրբարարներ, զանազան հենակներ և պահունակներ), որոնք կիրառվել են ուժերի փո-

խանցումները հեշտացնելու, առանձին մասերը բեռնաթափելու և ընդհանուր կայունությունն ապահովելու նպատակով:

Սյան քարե խարխիսների նմուշներ շատ քիչ են հանդիպում. եղածներն էլ կոպիտ են մշակված:

Փայտե սյուների մշակումը կատարվել է մեծ խնամքով և բազմազան. ներքանք լինում են բոլորաձև կամ բազմանիստ կտրվածքով, վերևում, վերադիրների միջոցով կամ առանց նրանց լայնացող մասով, վերին մասում լայն, առանց խոյակի՝ համապատասխան փորվածքով, դերանր պահելու համար:

Հետաքրքիր մշակումներ ունեն խոյակները, որոնք այստեղ բարձ են կոշվում. նրանք վերևից երկարությունը ձգված փոսիկ ունեն դերանի համար և ներքևից՝ կիսաշրջանաձև, աղեղնաձև, եռանկյունաձև, սղոցաձև և այլ փորվածքներ (թարթափներ):

Խիստ ուշադրավ կոնստրուկցիա ունի թերադիր հենակը, կամ այսպես կոշված «ծագ սուն»-ը, որն ամրացվում է սյան վրա և իր ներքևի մասով խորանալով նրա մեջ՝ բեռնաթափում է այն դերանը, որին պահում է և արդելք հանդիսանում վտանգավոր ճկվածքի: Լեյզպիսի հենակներն ունեն ուղղանկյուն, քառակուսի, բազմանիստ, ոտմրաձև, եռանկյունաձև, շրջանաձև, կիսաշրջանաձև, ձվաձև, զսպանակաձև, սղոցաձև և զծիկավոր դարդափորվածքներ: Պատահում են սեպաձև կամ աղեղնաձև խոյակներ ունեցող այգպիսի հենակներ:

Շինությունը ավելի կայուն դարձնելու նպատակով հաճախ հենակի վերևից, դերանի տակ դրվում է մի ծայրով պատի մեջ խրված, դրեթ հորիզոնական մի պահունակ, որը թեկնացնում է հենակի աշխատանքը. նրա ադատ ծայրն ընդհանրապես մշակվում է կլորացվելով, մի քանի փոսիկներով ու խաղերով կազմված դարդաձևերով: Ինչպե՞ս ադատ ծայրի վրա երբեմն հենվում է մի նոր հենակ և կամ համապատասխան պահունակով և հենակով սխտեմ, դարձյալ՝ դարդաքանդակված: Վերջինս բեռնաթափում է հաջորդ դերանը:

Պահունակներով հենակները լայն տարածում ունեն Բասարղեղարի շրջանում:

Բնակելի կոմպլեքսի մեջ զգալի ծավալ են դրավում դոմերը (տեղական բարբառով՝ թավլեններ կամ թավաններ) (նկ. 1). դրանք հրկարությունը ձգված՝ միջին լայն և կողքի նեղ թևերով, եռանալ, փակ սյունասրահներ են օրորոցաձև ծածկով: Նրանց երկարությունը (խորությունը) համեմատական է անասունների դիտահանակին. դրան համապատասխան էլ լինում է միջսյունային տարածությունների թիվը (յուրաքանչյուր անասունի հատկացնում են մեկ միջսյունային տարածություն): Նման կառուցվածք ունեն նաև փարախները (ոչխարի դոմ), միայն սրանք լինում են ավելի փոքր չափերի:

Անասնանոցները լուսավորվում են կոտորների մեջ բացված երդիկներից. դոմերի երկարությունը ձգվում են վերևից բարակ եղևիված քարաշար մսուրների. սալարկված, զոդավոր կամ երկթե հատակի միջին մասով ձգվում է ագրափոսը, իսկ դռան մոտ դրվում է դուռը՝ անասունների քարե ջրամանը: Հաճախ քարե պատով կամ ցանկապատով փոքր բաժանմունքներ են առանձնացվել ոչխարների ու հավերի համար, իսկ պատերի դանդաղ մասերում թողնվել են ճրագախորշեր (ճրագատեղեր): Որոշ դոմերում փորված են ջրհորեր:

Ցուրտ եղանակների համար նախատեսված յուրօրինակ մի կացարան էր դոմի սենյակը (օդան): Լին մուտքի մոտ՝ ոչ շատ բարձր պատնեշներով մասամբ մեկուսացած դոմի մի անկյուն էր կամ պատի մեջ խորացած մի սենյակ,

որի մուտքի կողմի պատը պատնեշված էր ոչ մեծ բարձրությամբ (նկ. 1)։ Այդ սենյակը գոմից ոչ լրիվ մեկուսացած լինելու հանդամանքը նպաստում էր գոմի տաքացած օդի ներհոսմանը։ Այստեղ երկայնական պատերի տակ թափտաձև՝ քարով ու կավով շարած թմբեր կան, որոնց անվանում են սաքու (որոշ գյուղերում սաքու են անվանում ամբողջ օդան)։ Դրանց միջև մի նեղ միջանցք դեմ է առնում պատի մեջ կառուցված բուխերիկին (բուխարի)։ Երկար կողմի խուլ պատի մեջ գրեթե միշտ ճրագատեղ (ճրագատեղ, պատրհան) է լինում։ Լուսավորումը կատարվում է սեղանաձև (տրապեցաձև) ծածկի միջնամասում, մուտքի կողմի ընդլայնական պատի վերին մասում բացված թեքադիր լուսամուտի միջոցով։

Հնում, երբ ապակի չէր ճարվում, լուսավորության համար ծածկի մեջ վերևից փակվող անցքեր էին թողնում։

Գոմերի ծածկի հարդարմանն ու կոնստրուկտիվ մասերի կառուցման մեջ չի ցուցարկված այն բժախնդրությունն ու խնամքը, որին հանդիպում ենք գլխատունը կառուցելիս (գերանները և սյուները փայտի ոչ զիմացկուն տեսակներից են և դասավորված պակաս խնամքով և առանց մշակման)։

Նույնապես փակ սյունասարհների օրորոցաձև ծածկի գերանները դասավորված են հետևյալ կերպ. սյունաշարքերի առաջին սյուների վրա, ընդլայնական ուղղությամբ, այսպես կոչված, վզի գերաններն են դրված. այս գերանների միջև սյունաշարքը փոքր ինչ բարձրանում է կրելու համար երկարությամբ զգված հորիզոնական (բոյի) գերանները, որոնց ծայրերը հենվում են հիշյալ ընդլայնական գերանների վրա։ Երկայնական ուղղությամբ զգված այս գերանների վրա դարձյալ երկու ընդլայնական (վզի) գերան են դրվում առաջիններից դեպի կենտրոն զգալի շեղումով։ Այնուհետև կարող են դրվել դարձյալ մեկ կամ երկու ընդերկայնական գերան, որոնք վերևակ են կոչվում։ Մեկական գերան է դրվել նաև մսուրների եզրափայտի վրա բարձրացող սյունաշարի վերևից՝ իրրե լրացուցիչ հենարան ծածկի ճյուղերի թեք մասերին։ Մսուրի եզրափայտը կայունացնելու նպատակով նրանից դեպի սյուներն են զցում և մեխերով ամրացնում հորիզոնական ձողափայտեր, որոնք նպաստում են անասուններին իրարից մեկուսացնելուն։ Խիստ երկար գոմերն ունենում են օրորոցաձև սիստեմով կառուցված ծածկերի մի քանի հատված։ Շինափայտի խնայողության համար երբեմն վերևակներն ու նրանց հենարան ծառայող ընդլայնական գերանները չեն դրվում։

Գոմի սենյակի ծածկը սեղանաձև է. ընդ որում նրա բեկված մասերն անմիջապես նստում են երկու գերանների վրա, որոնք ձգված են սենյակի երկարությամբ։ Կիսապատնեշված մասերում սյունահեծանային սիստեմներ են լինում, որոնք երբեմն կառուցվում են խնամքով։ Ըր փայտյա դարդամասերով աչքի է ընկնում բուխերիկի պատը։

Գոմայեքսի մյուս բաժանմունքների ծածկերը լինում են հարթ կամ երկթև։ Առաջինը կազմվում է հորիզոնական գերանաշարքի վրա դրված ծածկի այն էլեմենտներով, որոնք հիշատակվեցին իրրե զլխատան ծածկաշերտեր։ Երկթևը կոնստրուկցիան առաջանում է ծածկադերանների թեք դասավորությամբ՝ երկայնական պատերի և նրանց միջև դրված գերանի վրա։ Վերջինիս թռչքը եթե մեծ է, տակից մի սյուն են դնում։

Տաք կանաչներին օգտագործվող հեռավոր արտավայրերում (սարերում) զյուղացիներն ունեցել են ժամանակավոր օգտագործման համար նախատեսված շենքեր, որոնք իրենց կառուցվածքով նման են բնակավայրերի համապա-

տառախան շինություններին (գլխատներին, գոմերին և այլն), միայն անհամեմատ նախնական ձևով և պատրաստված ոչ մեծ խնամքով:

Գլխատան կոմպլեքսի արտաքին պարզությունն ու անշքությունը հակադրվում է նրա ներքին ճարտարապետական լավականաչափ ուշադրավ կառուցվածքը. թեպետ շատ դեպքերում խիստ նախնական, այնուամենայնիվ այն իր մեջ պարունակում է հետաքրքիր առանձնահատկություններ, որոնք, շատ հետազոտողների կարծիքով, փոխանցվել են մոնումենտալ ճարտարապետությանը:

Ժողովրդի կենցաղը բնորոշող հնատիպ կառուցվածքներ պետք է համարել նաև ձևի մշակման արհեստանոցները՝ ձիթհանները կամ սրանոցները, որոնք տեղական բարրառով «ձիթխաց» են կոչվել: Մենք չափազրել ենք Ղարանլուզ գյուղում վերջին տարիներին հայտնաբերված մի ձիթհան, որն ամբողջությամբ գետնափոր է: Քառակի վրայի արձանագրության համաձայն այն կառուցել է ոմն Ավանես 1657 (ՌՃՁ) թվականին:

Ձիթհանի մուտքն արևելքից է. մի սլանդուսով և թեք միջանցքով իջնում են նրա առաջին բաժանմունքը, որտեղ կատարվում է կտավհատի մշակումը. խորքում մամլման բաժանմունքն է: Մուտքի մոտ, որոշ տարածություն, մսուրով ու դուռով⁶, նախատեսվել է աշխատող եղների համար (նկ. 6):

Առաջին բաժանմունքի կենտրոնական մասում է տեղավորված հատիկներն անջատող հարմարանքը, որ շինված է հետևյալ կերպ. գետնի երեսին շաղախով միացած քարե սալերով կազմված է բուրրաձև, դողավոր «տաշտ»-ը. նրա կենտրոնում ամրացված ուղղաձիգ առանցքի վերին մասում հողավորված է նետ կոչվող մի հորիզոնական ձողափայտ, որի կարճ կողմին հողավորված է տաշտի մեջ պտտվող քարե մեծազանգված անիվի նմանող մի ղլան՝ քառակր. վերջինս տաշտի մեջ տրորում և անջատում է կտավահատիկները. նետի երկար կողմին լծվում է քառակր պտտեցնող ելք:

Այս բաժանմունքում է տեղավորված մաղելու և բովելու նպատակով խորացված մասեր ունեցող բարձրադիր հարթակը, ուր բարձրանում են քարե աստիճաններով: Այստեղ, խորշերից մեկում կուտակում են հատիկատրորից հարմարանքից ստացված խառնուրդը, որն այնուհետև մաղվում է այլ պահեստախորշի մեջ: Մաղումից ստացված մնացորդներին հատկացված է մի երրորդ պահեստախորշ:

Մաքրված հատիկները բովում են հարթակի՝ բով կոչվող մեծ խորշի մեջ, որի տակ կրակարան (օջախ) կա: Բովված հատիկները լցվում են զամբեղների (ճկուն զամբյուղների) մեջ. վերջիններս տեղափոխվում են ձիթհանի երկրորդ բաժանմունքը և դարսվում իրար վրա՝ հատուկ փոսի «դիրք» կոչվող մասում:


Մամլման պրոցեսում զամբեղների դիրքն անփոփոխ պահելու համար հատակի մոտ և ավելի բարձր՝ փոսի պատերի մեջ, հորիզոնական դրոյթամբ, գերաններ են ամրացված. այդ գերաններից վերինը կոչվում է խայլի (հայելի). սրանց և զամբեղների միջև ուղղաձիգ դիրքով դիմակայիչ է դրվում (դիմադիր), իսկ զամբեղների վրա՝ փայտե վահան (մանդիլ)՝ մամլիչ գերանների ճնշումը հավասարաչափ բաշխելու համար:

Հիշյալ փոսի հատակը սվաղված է և ունի թեքություն՝ դեպի փոսի միջին մասը, ուր թաղված է քամված ձևվր հավաքող կարասը:

⁶ Քարե ջրաման անասունների համար:

⁷ Հավաքված թափթփուկը, որ բերում է կոչվում, օգտագործում են ծածկերի մեջ:

Մամլիչ հարմարանքը մի լծակային ծանր սարք է, բաղկացած ծանր, հաստ գերաններից, կարճ գերաններով կալմված հենարանից, պտուտակային սարքից (պողոտակ) և գերանների հորիզոնական տեղաշարժին դիմակայող ուղղաձիգ սյուներից (ճոճկալներից)։



Նկ. 6. Ձիթհան (հատակագիծ և կտրվածքներ)

Նրկրորդ բաժանմունքի համապատասխան պանդուսով եղներին իջեցնում են մթնտուն կռչվող բոլորածև մասը, նրա կենտրոնում դսնվող պողոտակի քարը (մթնտան քար, կախ քար) պատեցնելու և այսպիսով ամբողջ մամլիչ սարքը դործողության մեջ դնելու համար։

Պողոտակը պտտվում է գերանների ամրացված «պողոտակի արջ» կռչվող մասի մեջ, որը հեղույսներով ու երկաթալարերով ամրացած տաշված փայտի երկու կոճղերով է կալմված (սա պողոտակի պտուտակային մակերեսի վրա պնդողակի դեր է կատարում)։

Հծակային զերանների մեծ բազմի մամլիչ հաստ ծայրը խրված է պատի «օջախ» կոչվող խորշի մեջ՝ զերանների շարժման ուղղաձիգությունն ապահովելու համար:

Ձիթհանի ծածկը սովորական մասերից է բաղկացած: Առաջին բաժանմունքի ծածկի կենտրոնական մասը փոքր ինչ բարձրացված է զերանների խաչման միջոցով. մամլման բաժանմունքն ունի հարթ, իսկ մթնոտունը՝ Լոյների պտտման վայրը, գմբեթաձև ծածկ:

Այդ շրջաններում միակ լրիվ պահպանված պայտարանոցը, որ Բասարգեշարում է գտնվում, կառուցված է ախոռի գուան առաջ, նրա ծածկի շարունակությունը կազմող շվաքի՝ ցվիթի տակ: Այն կազմված է ուղղաձիգ շորս սյուներից, հորիզոնական, անշարժ և պտտվող ձողափայտերից ու նրանց վրա ամրացված ձին պրկելու հարմարանքներից:

Այն ամենը, ինչ մնացել է հին գյուղից, չքանում է մեծ ինտենսիվություն. հնատիպ կառույցներն այժմ կանգնած են մեկուսի, թևակտ տեղ-տեղ երևում են դեռ հարակից շենքերի ավերակները: Գլխատան ֆունկցիան սահմանափակվել է իրրև հացատուն (խոհանոց) կամ մարագ: Նոր կառուցվող գլխատների ծածկի կառուցվածքին, հետևաբար, մեծ ուշադրություն չի դարձվում:

Նոր կենցաղը փոխում է գյուղի տեսքը. վերացվում են մասնավոր սեփականություն հիշեցնող գոմերի երկարաձիգ շենքերն ու այլ օժանդակ մասեր, իսկ փոխարենը հանդես են գալիս լուսավոր, օդասուն սենյակներ ու պտուղ-զամբներ, բակեր ու բանջարանոցներ, կատարվում են հատակազմման նոր աշխատանքներ. տնտեսական նոր վերելքի հետ բացվում են նոր հեռանկարներ գյուղացու առօրյան քաղաքակիրթ, առողջ և հետաքրքիր դարձնելու համար:

XIX դարի վերջերին և XX դարի սկզբներին Երևան ևն Եկել հարթածածկ բնակելի շենքեր, գլխավորապես երկհարկանի ծավալներով: Գյուղական վայրերում դրանք հատուկ կենտ են կառուցվել, մինչդեռ նոր Բայազետում դրանց տուկոսն այնքան զգալի է դարձել, որ առաջացել է քաղաքատիպ բնակավայր՝ ուղիղ փողոցներով: Բնակավայրը, սակայն, ստեղծվել է այլ նոր տիպի շենքերի երևան գալուց առաջ, երբ կառուցվածքների զգալի մասը գլխատներից և այլ հնատիպ կառուցվածքներից էր բաղկացած: Այդ կառուցվածքները թևակտ շեն պահպանվել. այնուամենայնիվ վստահորեն կարելի է ասել, որ Եկել ևն հարևան ման շրջակա գյուղերի համապատասխան շինություններին:

Նոր Բայազետը կառուցվել է 1829 թվականին Հին Բայազետից Եկած հայերի կողմից նախկին Գավառ գյուղի տեղում: Այն գտնվում է Ահանա լճի արևմտյան ափին, նրանից մոտ վեց կիլոմետր հեռու մի գոգավորություն մեջ: Նրա հարավակողմով անցնում է Գավառապետը, որի վրա դեռևս կանգուն է 1867 թվականին Ե. Դորոյանի միջոցներով կառուցված քարաշեն կամուրջը:

Գետի ձախ ափին, քաղաքի հարավ-արևելյան կողմում բարձրանում է «Դարի գլուխ» կոչվող բլրաձև առապարը, որն այժմ գերեզմանատուն է, մինչդեռ հնում Եկել է ամրոցի վայր: Այստեղ մի աննշան մատուռի կողքին ուն Ամիր Վասակի 842 (ԲՃՂԱ) թվականին կանգնեցրած խաչքարը ցույց է տալիս բնակավայրի շատ հին լինելը:

Գյուղաքաղաքը շորս մասի է բաժանված Եկել, որոնք Բանտի, Կալերի, Տալիդի և Խաչերի թաղեր են կոչվել:

Բանտի թաղը բնակավայրի հարավ-արևելյան մասն է, որտեղ «Կաթնաղբյուր» անվանվող հանքային ջուրն է բխում: Քաղաքի այս թաղը ամենահինը

լինելով, — դրել է Ն. Լալայանը, — դուրկ է կանոնավոր, լայն փողոցներից, տների մեծագույն մասն էլ շատ հասարակ և ղյուղական է, նոր նոր շինվում են հիլոսական ձևի տները Բավական հաճելի է ղեռի երկու ափը, ուր բարձրանում են ուռենիներ ու բարդիներ, որոնց հովանու տակ հաճախ թեյ խմելու են զալիս քաղաքացիները»⁸։

Կալերի թաղը հանդիսացել է քաղաքի նորակառույց մասը, այդուհի, եկեղեցիով, հասարակական և բնակելի շենքերով։ Վերջիններս մեծ մասամբ եղել են միահարկ և հողածածկ կոտորով։ Այս մասում են տեղավորված եղել շուկան և բավականաչափ խանութներ։ Թաղն իր անվանումն ստացել է այն հանգամանքից, որ այստեղ, մինչև քաղաքի կազմավորումը, բաղմամբիվ կալեր են եղել։

Տալիդի թաղը կոչվել է 1835—40 լիվականների վրացի զավառապետի անունով, այն գտնվելիս է եղել ղյուղաքաղաքի հարավ-արևմտյան մասում, ուր հասարակական շենքերի հետ եղել է նաև ոստիկանատունը։

Խաչերի թաղը, որ հյուսիս-արևմտյան կողմում ջրառատ, կանաչապատ օդասուն զրոսավայր է եղել, իր անունն ստացել է այդտեղ գտնվող խաչքարերից։

Քաղաքի նախասովետական շրջանի ճարտարապետական դիմագիծը ժողովրդական է, քանի որ զգալի տոկոս հն կազմում բնակելի տները։ Ամենուրեք երևում են պարսպապատ բակեր և դարպասներ, ու նրանց մեջ կամ նրանց շարքում շենքերի ղեղաշեն, արևահայաց ճակատներ (նկ. նկ. 7, 8)։

Շենքերի ծավալները կանոնավոր պրիզմայի ձև ունեն, թեև պատահում են նաև Դ-աձև հատակագծեր։


Երկհարկանի կավածածկ շենքերի առաջին հարկարաժիներ նախատեսված է անտեսական նպատակների համար. երկրորդ հարկը հատկացվել է ընտանիքի ներքին կյանքին, ընդ որում մեծ սենյակն ընդհանուր նպատակի համար, իսկ նրա շուրջը խմրված մյուս սենյակները՝ որպես ննջարան և հյուրասենյակ։ Բացվածքներն ուղղված են ղեպի հարավ, հարավ-արևելք և արևելք։ Նախկին շուկայի հրապարակի տեղում ղեռնա կանգուն է մի տուն, որի առաջին հարկի բաժանմունքները խանութներ են։

Հարկերի միջև հաղորդակցությունը կատարվել է մեծ մասամբ բաց աստիճաններով, իսկ սենյակների դռները բացվել են կամ բակային պատշգամբի, կամ նախամուտքի վրա. երբեմն հանդիպում են միջանցիկ սենյակներ, ղլխավորապես ընդհանուր նպատակների հատկացվող։

Առաջին՝ մահան կամ մարագ հանդիսացող հարկի մուտքը եղել է բակից կամ զալանի (փողոցից բակ տանող միջանցք) միջից։

Դեպի փողոց են դուրս գալիս շենքերի հարթ ճակատները, որոնց ճարտարապետական մշակմանը տրված է շեշտված նշանակություն. նրանք ունեն քարի և սվաղի համակցմամբ ստեղծված ճաշակավոր համադրվածքներ, լուսամուտների ու թմրիկի դասավորությամբ, ջրատվածքների հաճելի համամասնություններով և մանրամասների զուսպ հարդարանքով։ Միափեղկ լուսամուտները բնակելի մասում ուղղանկյուն կամ կամարակապ բացվածքներ ունեն, մինչդեռ կիսանկյունային հարկերի լուսամուտները իրենց չափերով անհամեմատ փոքր են և գտնվում են առաստաղին մոտիկ։

8 Ն. Լալայան, Նոր Բայազետ Գավառ, «Ազգագրական հանգես», 18-րդ գիրք, 1908, էջ 112։



Նկ. 7. Բնակելի տուն Կամո խաղաքում

Բակային ճակատները ևս զուրկ չեն հարդարանքից. այստեղ սակայն պատի մշակման վրա քիչ ուշադրություն է դարձված, մինչդեռ պատշգամբներն այդ ֆոնի վրա ունեն շրեղ կերպարանք: Այս ճակատներն առաջնային նշանակություն են ստանում, եթե շենքը փողոցից հեռու է: Զգալի տոկոս են կազմում ասպակնպատ պատշգամբները:




Նկ. 8. Բնակելի տան լուսամուտ

Գյուղական վայրերի հարթածածկ լնակարանների կառուցվածքները համապատասխանում են Նոր Բայազետի համապատասխան շենքերի ճարտարապետական ոճին: Նրանց մասին կարելի է ասել միայն, որ կառուցվել են դիստանտ կոմպլեքսում և Լորեմն հանդիսանում են վերջինիս հատաչափի օրդանական մասը: Աչքի են ընկնում նրանցից մի քանիսի դռներն իրենց նրբարվեստ հորինվածքով (նկ. նկ. 9, 10):

Յուրօրինակ ճարտարապետություն, ոճերի բազմազանություն, աչքի ընկնող վերահիշյալ կառուցվածքների շինարարական տեխնիկան շատ բարդ չի եղել: Օգտագործվել են ավանդաբար սերնդից սերունդ փոխանցված կառուցման եղանակներ, որոնք համապատասխանել են տեղական շինանյութերին: Գյուղացին սովոր է եղել իր տան շինարարությունն անձամբ կատարել ընտանիքի կամ

գերդաստանի անդամների մասնակցությամբ: Առանձին քարագործ, կամ հյուան վարպետներ օգտագործվել են այն դեպքերում, երբ տան տերը կամեցել է իր շինությանը երևելի տեսք հաղորդել: Նշանավոր ատաղձագործ է եղել Ասա-դաձոր գյուղից Մխիթարյան Ավետիսը, որը մեծ համբավ է ունեցել Թրիլիսիում՝ իրեն փայտյա մասերի զրվագման հմուտ վարպետ: Նկար 10-ում ցույց տրված զուռը նրա ստեղծագործությունն է:



Նկ. 9. Դյուղական տուն քաղաքատիպ մասերով

Օգտագործված շինանյութերն այնքան էլ բազմազան չեն:

Գլխատան համար իրեն շինափայտ գրեթե միշտ օգտագործվել են կաղնե-փայտի գերանները, որոնք ձեռք են բերվել Թարթառի ձորից (Քյալլաջար), իսկ եղևզը՝ Սևանի ափից, Բասարգեշարի մերձակայքում: Բեկումը՝ ձիթհանի թափ-թփովը, առատ տեղական շինանյութ է եղել և ծառայել է որպես ջերմամեկուսիչ և խիտ ենթաշերտ՝ վերին շերտերի (հարդ, հող) պահպանման համար:

Հարթ կտուրների հողե պաշտպանիչ ծածկաշերտը խտացնելու համար դանաձև լողի փոխարեն այս շրջաններում ծածկի վրա գնդաձև մի ծանր քար են դրոշմում:

Կաղնեփայտե գերանները ծածկի մեջ դրվել են քիչ թե շատ մշակված դրու-թյամբ, հարթեցվել են կացնով և ուրագով. նույնիսկ հանդիպում են զլխատներ, որոնց առաստաղի գերաններն ունեն ձևավոր փորվածքներ և համապատաս-խանաբար ուղղանկյան կտրվածք:


Փայտի մշակումը կատարվել է շատ նախնական եղանակներով, առաջնե-րում աշխատել են որքան հնարավոր է խուսափել սղոցված փայտի օգտագոր-ծումից. շատ անգամ տախտակի դեր են կատարել ձեղքված և ուրագով հար-թեցված գերանների շերտերը:

Դուռը փայտե տախտակներով կազմված միափեղկ մի վահան է, որի շրջ-ջանակը սեպերով ամրացվում է բացվածքի մեջ՝ փոքր ինչ թեք դրությամբ. այս միջոցառումն ապահովում է դռան հեշտ փակումը: Դռան փայտամասերի միացման համար մետաղական հարմարանքները երևան են եկել ավելի ուշ, մինչդեռ առաջ փայտե մեխեր էին օգտագործում:

Պատերը բարձրացվել են տեղական անմշակ որձաքարով ու հարդախառն կավաշաղախով: Նրանց հիմքերը խորացվել են գրունտի ամրության համապա-տասխան, այնուամենայնիվ ոչ շատ խորը: Ընդամենը մի մուրճ և մի մալա կազմել են պատշարի գործիքների կոմպլեքսը: Պատերը սվաղվել են միայն զլխատան ներսում, երբեմն նաև մառաններում: Սվաղի շերտը հարդախառն կավից է եղել, որը հաճախ սպիտակացվել է հատուկ կավի (կաուին) սպիտակ լուծույթով:

Պատերն ու առաստաղը սլարերաբար մաքրվել են փոշուց ու մրից, պատերը սպիտակացվել են, իսկ կտուրի հարթ մասերը լրացվել կավի շերտով և անձրևից հետո՝ գլանվել քարով:

Հարթ կտուրով շենքերի ծածկանյութերը նույնն են, ինչ գլխատան կառուցվածքներինը. այնուամենայնիվ նրանց այստեղ երևան դալու հետ խոշոր փոփոխություններ են կատարվել շինարարական տեխնիկայի ու ճարտարապետության վարձացման տեսակետից: Այդ իր արտացոլումն է գտել ճակատների



Նկ. 10. Գյուղական հարթածածկ տան բանդակազարդ դուռ

մշակման նոր ձևերով, սրբալուստ քարի հանդես դալով՝ իրրեւ ամբողջ սլառ կամ առանձին գոտիներ, քիվեր, եղրակալներ, ջրհորդաններ, բարավորներ, գետնախարիսխներ (ցոկոլներ), անկյունաքարեր և այլ հարդարման մասեր, հատակի, առաստաղի, ներքին ձևավորման առաջադեմ սկզբունքների լայն օգտագործմամբ, հակաերկրաշարժային փայտե գոտիների կիրառմամբ, սլառազամբների փայտյա մասերի խելամիտ կառուցվածքներով ու դրվագմամբ:

Ե Զ Ր Ա Կ Ա Ց Ո Ի Թ Յ Ո Ի Ն

1. Հճափնյա շրջանների բնակավայրերը բնական-կլիմայական, քաղաքական-պատմական, սոցիալ-տնտեսական պայմանների ու տեղական ավանդությունների անմիջական ազդեցությամբ, ստացել են հատակագծման տեսակետից յուրօրինակ տեսք և ներկայացնում են ամենատարբեր կառույցների խիտ զանգված, թեև կառուցապատման մեջ կատարված է նրանց տեղի ընտրություն և թեքությունների հաշվառում:

2. Բնակելի կոմպլեքսի առանձնահատուկ և նշանակալից մասերն են հացատներն ու գոմերը, առաջինի հազարաշեն, բրգաձև և խառը տիպի և երկրորդի օրորոցաձև ծածկերն ու նրանց տարբերակները:

3. Այս շրջանները հարթածածկ բնակելի շենքերի հարդարման տեսակետից նկատելիորեն հարուստ են շնորհիվ Նոր Բայազետի նման տնտեսական ու մշակութային կենտրոնի, որն իր կնիքն է դրել ամբողջ շրջանի որմնագործության և ընդհանրապես ճարտարապետության վրա:

4. Հարթածածկ բնակելի շենքերն ունեն տվյալ բնակավայրի համար լավագույն կողմնորոշում, մեծ մասամբ երկու հարկ, որոնցից առաջինը տնտեսական և երկրորդը բնակելի մասն է կաղմում: Նոր Բայազետում (այժմ Կամո) նրանց ցանկապատերն ու դարպասները, քարի և սվաղի համակցմամբ ստեղծված ճակատների ճաշակավոր համալրվածքներն ու պատշգամբները որոշակի դեր են կատարում բնակավայրի կառուցապատման համար:

Չափագրությունների և դիտումների հիման վրա կատարված այս ուսումնասիրությունը մեզ թույլ է տալիս ասելու, որ Սևանա լճի ավազանում հայկական ժողովրդական ճարտարապետության կառուցվածքների ոճային ընդհանրությունների հետ տեսանելի են տիպարների ու նրանց հարդարանքի բազմազանության, զարգացման դարավոր ճանապարհ անցած շինարարական տեխնիկա և արվեստ, որոնք շնայած իրենց որոշ նախնականությանը, որոշակի արժեք են ներկայացնում մշակույթի և պատմության համար:

Ոճային և կառուցվածքային առկա յուրահատկությունները հիմք են տալիս այս շրջանների ճարտարապետությանը հատկացնել առանձին տեղ ժողովրդական ճարտարապետության ընդհանուր պատմության մեջ: